

Bernina

Äs git niene uf Gottes Ärd
 es sottigs Land wie iischi Schwiz
 4000 meter hochi Bärgu
 48 im ganzu gits

47 va dene Tschugge
 die chascht bi iisch hie im Wallis gseeh
 Numma eine macht mich verruckte
 der tüet mier in miinum Härzu weh!

Säg Herrgott chumm säg mer
 was hesch derbii gideicht
 wa dü öi de Bündner
 en Viertüüsiger hesch gscheicht....

Bernina - dü steischt am falschu Ort
 Bernina - vam Bündnerland da welltisch fort
 Bernina - ganz alleinzig steisch dü da
 im Wallis wärisch dü vill besser dra!

Gat näbum Matterhoru,
 bim Wiis, Täsch- oder Strahlhooru,
 Bim Aletsch-, Allalin- oder Zinalrothooru,
 Bim Hinner- oder grossu Fieschhooru
 bim Laggin, Schreck- oder Obergabulhooru
 bim Grossgrie- oder Rimpfischhooru,
 bim Nadul – oder Stecknadelhooru
 bim Hohbärg-, Dürru- oder Bishooru
 Bim Länzspitz, Mönch oder Jungfröi!
 D'annru Viertüüsiger chämunt dernaa dra....

4000 Meter isch d'Mindeschtheechi
 und suschter is kei rächte grosse Bärg
 Äs git vill hie in iischer Neechi
 numma eine ischt vill dswit awäg.

Dr Herrgott het diz Land erschaffu
 als Schöpfigs-Chrona steit ds Wallis da
 Warum tüet är dr Bernina strafu
 dass är alleinzig da müess stah...

Säg Herrgott chumm säg mer
 was hesch derbii gideicht
 wa dü öi de Bündner
 en Viertüüsiger hesch gscheicht....

Bernina - dü steischt am falschu Ort
 Bernina - vam Bündnerland da welltisch fort
 Bernina - ganz alleinzig steisch dü da
 im Wallis wärisch dü vill besser dra!

Ich will nit reklamieru
aber trotzdem is en Schand
dr Bernina ga plazieru
zmitsch im Bündnerland.....

Bernina - dü steischt am falschu Ort
Bernina - vam Bündnerland da welltisch fort
Bernina - ganz alleinzig steisch dü da
im Wallis wärisch dü vill besser dra!

Bernina - dü steischt am falschu Ort
Bernina - vam Bündnerland da welltisch fort
Bernina - ganz alleinzig steisch dü da
im Wallis wärisch dü vill besser dra!

Jetz chämunt no d'annru Viertüüsiger va dr Schwiz
Dr Monte Rosa het 8 so hochi Gipfla
Ds Breithooru 5, Crand Combin und Liskamm je zwei
De gits no die Castor- und Pollux-Zwilling
Dr Alphubel, Wiismies, Dent d'Herens.
Ds Fiischer- und ds Lüteraarhooru, dr Dom
Jetz fählt numma no eine: Piz Bernina

im Wallis wärisch dü vill besser dra!

Zit

Ich will meh Zit - doch das geit nit
denn was verbii ischt - das ischt verbii
D'verlorni Zit - nei die holscht nimme zrugg
Es Jahr geit vill z'schnäll verbii

Gat diräkt nam Silväschter da faht d'Fasnachtszit a
im Üstag schmilzt der Schnee ganz schnäll fort
In der Hitz z'mitscht im Summer müescht in d'Ferie gah
und scho steit ds Chrisch-Chindli vor dr Port

Die Zit die stoppusch nit - d'meischtu Lit heint vill z'wenig Zit

Ich will meh Zit - doch das geit nit
denn was verbii ischt - das ischt verbii
D'verlorni Zit - nei die holscht nimme zrugg
Jede Monat geit so schnäll verbii

Bi Vollmond süeschusch d'ganzi Nacht dr Schlaf
Am eerschtu hesch dr Lohn scho abgibüecht
Zahlsch de d'Rächnige z'spaat, vechunnscht sofort en Straf
Öi wennt nit willt chunnt d'Tanta Rosa z'Bsüech.

Zit isch Gäld sägunt sumi Lit - aber chöifu chascht schi nit.

Ich will meh Zit - doch das geit nit
denn was verbii ischt - das ischt verbii
D'verlorni Zit - nei die holscht nimme zrugg
Jede Tag geit vill z'schnäll verbii

Pressierusch zum Schaffu gat diräkt nam üfstah
Im Stau uf dr Strass regscht di üf
Und chasch du am Maabu de ändlich heimgah
Sind d'Chinder scho lang nimme üf

Dü willscht meh Zit hä fer diini Chind –
Und merkscht dass Zit dier durch d'Finger rinnt.

Ich will meh Zit - doch das geit nit
denn was verbii ischt - das ischt verbii
D'verlorni Zit - nei die holscht nimme zrug
D'Minüte gähnt so schnäll verbii

Chunnscht en Minüta z'spaat uf du Zug
de steischt dü en ganzi Stund da
So en Stund verlierst öi wägu dr Summerzit
Im Bett en Minüte z'früeh bisch z'spaat

Ich will meh Zit - doch das geit nit
denn was verbii ischt - das ischt verbii
D'verlorni Zit - nei die holscht nimme zrug
Die Zit geit vill z'schnäll verbii

Das gschpirrt mu nur im Wallis

Öi wenn no villi frändli Länder kennulehru willscht
Hie uf der witu grossu Wält.
So chasch doch nie vergässu da wa dü deheimu bischt.
will überall dier d'Heimat fählt.
Die Zit fascht a zellu
bis ds Wallis ändli wieder darfsch gseh
D'lengi Zit tüet dich quellu
Äs tüet dier richtig weh....

Das gschpirrt mu nur im Wallis
so ischt halt ds Volch vam Wallis
Sind iischi Grinda hert und öi stur
so ischt halt iischi Natur.

Das gschpirrt mu nur im Wallis
Ja so isch ds Volch vam Wallis
Öi wenn dü weischt hie gits vill Missgunscht und Nit
ganz ehrlich: Wa gits das nit?

Ir Üsserschwiz scho scho friener diine Grossvater ischt
in d'Ferie hie ins Wallis cho.
Und wills fer dich als Grüezi d'schönschti Feriuland ischt
bischt jetz mit diine Änkulchinder cho.
Öi die tient scho plangu
Und frägunt wenn isch ds Jahr ändli um?
Öi de Chleinu tüets gfallu
Dü weischt genau warum...

Das gschpirrt mu nur im Wallis
so ischt d'Natur vam Wallis
Die Tier im Wald und die Hopschla im See
hesch dü scho friener gäaru gseh...

Das gschpirrt mu nur im Wallis
so ischt d'Natur vam Wallis
Öi im Winter da chascht Gämschini gseh
Oder gniessuscht drPulverschnee.

Doch no vill schöner als Ferie hie ischt
Wenn dü hie deheimu bischt....

Das gschpirrt mu nur im Wallis
so ischt halt ds Volch vam Wallis
Sind iischi Grinda hienta hert und öi stur
so ischt halt iischi Natur.

Das gschpirrt mu nur im Wallis
so ischt halt ds Volch vam Wallis
Öi wenn dü weischt hie gits vill Missgunscht und Nit
ganz ehrlich: Wa gits das nit?

Im Läbu geit äbu vill dernäbu

Dü bischt verliebt - hescht ira nix verratu
aber mooru seischras gschwind
Da seit schii dier: Dü wier tie heiratu
Ich und miine niwwe Frind.
In diinum Fruscht leerscht die Thea kennu
und willsch so lieb und sympathisch ischt
Nimmsch schii mit heim - da müescht erkennu
Dass die Thea en Theo ischt....

Äs geit im Läbu Läbu Läbu
vill dernäbu näbu näbu
mu merchtsus meischtens zspaat.
Ds Glick chascht nit häbu häbu häbu
müescht erläbu läbu läbu
dass dich dsGlick wieder verlaat.
Äs chunnt im Läbu äbu
annersch als mu deicht
mu verchunnt im Läbu äbu
sältu eppis gscheicht...

Dü chasch dum Chef güet ins Fitla schliifu
Dü chascht güet schliimu bi sume Lit
Doch diine Chef het dich nit bigriffu
Het di trotzdem us der Firma kit.

Dü hescht lang gsüecht
endlich hescht en Wonig
dü willschschi chöifu - tiir ischt nit
Mu het ndier gseit die wohnig sig in Ornig
und jetz isch ds Hiischi zämukitt....

Äs geit im Läbu Läbu Läbu
vill dernäbu näbu näbu
mu merchtsus meischtens zspaat.
Ds Glick chascht nit häbu häbu häbu
müescht erläbu läbu läbu
dass dich dsGlick wieder verlaat.
Äs chunnt im Läbu äbu
annersch als mu deicht
mu verchunnt im Läbu äbu
sältu eppis gscheicht...

Sisich wie im Märli - dü bisch zum Brunnu gangu
und gseescht en Frosch wa druf tüet plangu
dass mu nu küsst, will dr Prinz ischt gfangu
doch d'Schmüüseerii het nix verfangu....

Äs geit im Läbu Läbu Läbu
vill dernäbu näbu näbu
mu merchtsus meischtens zspaat.
Ds Glick chascht nit häbu häbu häbu
müescht erläbu läbu läbu
dass dich dsGlick wieder verlaat.
Äs chunnt im Läbu äbu
annersch als mu deicht
mu verchunnt im Läbu äbu
sältu eppis gscheicht...

Laftinomeh

Am Mäntag häni Üsgang kä- äs het mi zimkli gleit
ich fahru mit dum Auto heim, will löifu nimme geit.
da steit en Charru uf dem Platz wa suschter miine steit.
Ich wecku miini Fröi und frägu ob schii das versteit.
Miine Parkplatz der ischt volle da het schii zumer gseit:

laftinomeh, dü gsehsch ja nix meh, dü müesch fasch blinde sii
das isch doch nur die Pussett vam Mämmi vis-a-vis
Nei ich süechu gar kei Krach und strittu will ich nit
aber en Pussett mit mu Schiebedach, nei das bigriifi nit.

Am Ziischtag wani heim bi cho , hän ich en Chischta käh!
So en Mantul hangut amne Stüel wieni keine hä!
Är isch mier öi nit gangu ich hänu aprobiert
ich wecku miini Fröi und frägu ob schi das kapiert,
en främde Mantul uf dum Stüel da het schii reklamiert:

Laftinomeh, dü gsehsch ja nix meh, dü müesch fasch blinde sii
das sind doch nur die Windle, vam Mämmi vis-a-vis
Ich müess gottlos glaffne sii und strittu will ich nit
aber Windle mit vill Täsche dri, nei das bigriifi nit.

Vam Mittwucham Aabu weissni nix äs chunnt mer nix meh zii.
Ich weiss numma dassi mit der Fröi im Strit bi gsii
Ich hä nämmli ira gseit dass ich kei Röiker sii
und doch ligt en Riesustumpu uf miinum Nachttischji
das siige mier es Rätsul - als Antwort da seit schii:

Laftinomeh, dü gsehsch ja nix meh, jetz müesch erblindut sii
das isch doch nur es Nuggi, vam Mämmi vis-a-vis
Gliich was dandru deichunt doch strittu will ich nit
aber Nuggini wa Röichunt, nei das bigriifi nit.

Am Donschtag und am Freitag bini zimkli spat ins Näscht
Am Samstag häni sowieso es luschtigs Riesufäscht.
Wani heim zer Fröi bi cho git mier das der Räscht
Da ligt en främde Maa mit miiner Fröi im Näscht
und miin Fröi die seit mier no: weck nit iischi Gäscht!

Laftinomeh, dü gsehsch ja nix meh, jetz müesch dü blinde sii
das isch doch nur das Mämmi, var Wohnig vis-a-vis
Strittu ischt nit miini Art , aber dizmal glöibis nit
es Mämmi mit me Vollbart, nei das bigriifi nit.

So en Schiffahrt

Sit Wuche gfreww ich mich ganz ehrlich
uf d'Schiffahrt und jetzu geits los!
Die Flussfahrt wird sicher ganz herrlich
der Käptn brielut: Leinen los!
Dr Ledl der Leitz und dr Erich
die findunt die Bar ganz famos
Ds Gipäck isch ne wurscht - uf es Bierli heintsch Gluscht - Schii heint Durscht!

So en Schiffahrt da bini sofort derbii
Uf dum Rottu, der Donau oder dum Rhii
So en Schiffahrt geit immer vill ds schnäll verbii.
So en Schiffahrt die gfallt allne güet
Ob jung ob alt ob gsund ob chrank - s'tüet allne güet Ja - ja

Ds Schiff fahrt nit schnäll nei ganz gmietlich
Seechrank chunnsch da nit derbii
Uf dum Sunnudeck gniessusch die Üssicht
Die Gägund fliesst an dier verbii.
Z'Früestuck, z'Mittag und öi ds'Höiptgricht
ds Ässu cha nit besser sii...
Mu spiisut in Rüh - Mim Triichu schlaasch züe - So nimmsch züe!

So en Schiffahrt da bini sofort derbii....

Statt gmietlich an Land ga spazieru
da bliibunt vill lieber die Gäscht
denn es Aperö tüet mu servieru
scho gits wieder es chleiners Fäscht
Dr Rüedi faht a diskutieru
mim Käptn uber schiis Näscht.
Är schlafe fascht nit - obs bim Bett ächtig nit - en Wasseradra git?

So en Schiffahrt geit immer vill ds schnäll verbii.
Uf dum Rottu, der Donau oder dum Rhii
So en Schiffahrt die gfallt allne güet
Ob jung ob alt ob gsund ob chrank - s'tüet allne güet! Soo güet!

Lachu

Ich wellti wieder mal lachu
So wie friener no als Jingi so hell und eifach so wies chunnt
Eifach wieder mal lachu
Wägu nix und wägu niemerum, lüt und ehrlich ohni Grund.
Ich wellti wieder mal lachu
So unbischwärt wie friener doch nei s'funktionierut nit
Tüeni trotzdem mal lachu
de teent's e so schrill e so künschtlich und öi eppis z'lüt

Ich hä miis Lachu verloru
irgendwe, irgendwa uf miinum Läbunswäg
Ich hä miis Lachu verloru
irgendwie, irgendwe häni gmerkt äs isch wäg
Ich hä miis Lachu verloru
Und ich süechus bis ich's findu - nei ich la nit lugg
Was solli machu
ich will miis Lachu zrugg

Ich wellti wieder mal Freid hä
So wie friener no als Chind an de allerchlinschtu Sache
Eifach wieder mal Freid hä
Amne Spillzig, amne Tierli, am Blüemji, amne Lache
Ich wellti wieder mal Freid hä
und stüünu uber alls wa hittu sälbverständlich schiint
Und wenn ich wieder cha stüünu
de chani öi Freid hä und lachu wie es grossus Chind

Ich hä miis Lachu verloru
irgendwe, irgendwa uf miinum Läbunswäg
Ich hä miis Lachu verloru
irgendwie, irgendwe häni gmerkt äs isch wäg
Ich hä miis Lachu verloru
Ich süechus bis ich's findu - nei ich la nit lugg
Was soll ich machu
ich will miis Lachu zrugg

Vater chunnt va Bäru

D'Hebamma het gseit, chumm jetz is sowit.
Doch ich hä kei Freid, Ich hä no derzit
Va mier üs chas no lang gah, hie ir Fruchtblasa dri
da chunnt en chalti Zanga und schreckut mich ambri.
Ich häs düe scho gwisst: Ich pressieru doch nit gäaru
Miine Vater chunnt va Bäaru!

Bir Müeter ar Bruscht, hän ich sägsch Jahr verbrungu
Da heintsch mi trotz dum Durscht, ans Nuggi gizwungu.
Das ischt mier ds rassig gangu. ich hä reklamiert
äs het mier nix verfangu, Da häni probiert
dr Müeter miis Problem haargenau ds erkläaru:
Miine Vater chunnt va Bäaru!

Bim hetzu und pressieru, da häni es Problem.
ler miesst das kapiertu, das sind miini Bärner Gen.
Ich häs gäaru gmietlich, so wie alli Bärner sind.
Und züedem bini schliesslich, va miinum Vater ds Chind.

Ich häs düe als Chind, Mit Schnägge fah probiert
doch will die ds Schnälli sind, häni kapituliert.
Wan ich in d'Schüel bi gangu, und ir Klass bi gsii
Het d'Schüelstund nit agfangu, nei schii ischt fertig gsii
Fascht 50 Meter Schüelwäg ich pressieru doch nit gäaru
Miine Vater chunnt va Bääru.

In der Stadt mim Autofahru, und wenn d'Ampla roti ischt
de stopp ich miine Charu, scho chunnt en Polizischt.
Der chunnt zimmlü lüte, Hesch bim Autofahru Mieh?
Sit jetz bald zwei Minüte siege d'Ampla wieder grie!
Ich stiigu üs und will dum Tschugger miis Problem erkläaru:
Dr Vater chunnt va Bääru

Bim hetzu und pressieru, da häni es Problem.
ler miesst das kapiertu, das sind miini Bärner Gen.
Ich häs gäaru gmietlich, so wie alli Bärner sind.
Und züedem bini schliesslich, va miinum Vater ds Chind.

Äs chunnt in de Wäxiljahr, Der eerschi Milchzahnt scho
Und ich hä mit de Jahr, en hibschi Fröi vercho.
So vergeit die Zit, bir silbrigu Hochzit
seit schi S'wird langsam Zit, Es Mämmi machscht mer nit?
Was jetzu scho? Dü weisch ich pressieru doch nit gäaru
Dr Vater chunnt va Bääru!

Nur kei Stress

Immer schnäller, immer schnäller, suschter landusch dü im Chäller
Immer schnäller, immer schnäller, suscht geischt nit mit dr Zit!
Immer zahlu, immer zahlu, nei so chasch dü nix meh sparü
Im mer zahlu, immer zahlu, nei sparü chasch so nit!

Dum Staat chascht nix meh glöibu, ja är tüet schich drum erlöibu
Ändi Jahr dich dich so üsz'röibu, dass nah de Stiire nix meh blibt
Fer das Gäld hescht schaffu miessu, Und jetz müesch dü darfer biessu
Nei so chasch keis Läbu gniessu, so geits hittu villne Lit!

Immer witer, immer witer, suschter geits dier pletzli schitter
Immer witer, immer witer, nei das schüenusch nit!

Nur kei Stress – wer weiss wie lang dü no hesch z'läbu
Nur kei Stress – öi gmietlich chasch no vill erläbu.
Nur kei Stress – und reg di ja nit üf
Und wenn dü doch uf d'Schnura kisch – de stah halt wieder üf!

Immer schnäller, immer schnäller, suschter landusch dü im Chäller
Immer schnäller, immer schnäller, suscht geischt nit mit dr Zit!

Immer secklu, immer secklu, am secklu tüesch du fascht verrecku
Immer secklu, immer secklu, nei das ischt nit gsund!

Immer folgu, immer folgu, diinum Chef müescht alles glöibu
Immer folgu, immer folgu, wie en triwwe Hund.

Dr Chef tüet dich binützu ds Reklamieru wird nix nitzu
Nei dü müesch dich laa üsnitzu, suschter steisch de uf dr Strass
Nei da nitzt keis flüechu, chascht en annri Arbeitr süechu
Andri chennunsch da öi brüüchu, doch dü hescht immer en Chance!

Immer lachu, immer lachu, wenn der Chef en Witz tüet machu
Immer lachu, immer lachu, lachu isch soo gesund!

Nur kei Stress – wer weiss wie lang dü no hesch z'läbu
Nur kei Stress – öi gmietlich chasch no vill erläbu.
Nur kei Stress – und reg di ja nit üf
Und wenn dü doch uf d'Schnura kisch – de stah halt wieder üf!

Immer secklu, immer secklu, am secklu tüesch du fascht verrecku
Immer secklu, immer secklu, nei das ischt nit gesund!

Immer stressu, immer stressu Öi im Stress darfsch nix vergässu
Immer stressu, immer stressu Suscht bisch niene meh.

Immer lüegu, immer lüegu, vorwärts und nit rückwärts lüegu
Immer lüegu, immer lüegu, suscht hzesch kei Durchblick meh.

Immer witer, immer witer, suschter geits dier pletzli schitter
Immer witer, immer witer, lugglah darfsch nie meh!

Immer schnäller, immer schnäller, suschter landusch dü im Chäller
Immer schnäller, immer schnäller, suscht bischt niene meh

Eyholzer Wii

Ganz alleinzig da spazieri durch d'Allee
es wunderhibschus Wäsu häni gseh
Schii chunnt mier entgäagu - nei no nie in mim Lääbu
häni es wäächers Fröijuzimmer gseh

Ja ich cha nit annersch sägu ira: Hey!
So wie d'üsgseesch brüüchscht keis Gold kei Edulstei
Ich keen eppis vill wächers - Want nit kennsch öi wennt Gäld hescht
Ich hoffu nur dü sägesch nit gat Nei...

Chumm wier triiche mitenand es Glasji Wii
Doch mit dier das müess en ganz spezielle sii...
Eyholzer Wii - Eyholzer Wii
Wie gseit äs müess en ganz spezielle sii...

Naa dum eerschtu Schluck seit schi: Das glöibi nit!!
En sottige Wii kenne schii no nit
Schi gschpirre die Siiri - im Magu es Fiirli
Nam drittu Glasji singt schii mit mier mit:

Chumm wier triiche mitenand en Fläscha Wii
Doch mit dier das müess en ganz spezielle sii...
Eyholzer Wii - Eyholzer Wii
Wie gseit äs müess en ganz spezielle sii...

Mit dem Wii uf der Zungu
het schii mich umschlungu
So erwachunt vill Gfühli
wägs der Siiri - vam Wii!

Chumm wier triiche mitenand es Gascho Wii
Ja das müess en ganz spezielle sii...
Eyholzer Wii - Eyholzer Wii
Wie gseit äs müess en ganz spezielle sii...

Chumm wier triiche mitenand en Harass Wii
Ja das müess en ganz spezielle sii...
Eyholzer Wii - Eyholzer Wii
Wie gseit äs müess en ganz spezielle sii...

Lüusbüeb

Ich hä alls üsprobiert und fascht alls konsumiert
wa friener verbottu isch gsii.
Ich hä z'Töffji frisiert und öi Meitjie verfiert
bis am Morgu im Üsgang gsii.

Wie schön isch die Zit friener gsii
Wanich no en Lüusbüeb bi gsii
Wie schön chas öi hittu no sii
solangi en Lüusbüeb darf sii

Gah d'Schwigri ga bsüechu und bringra en Chüechu
wa scho lang nimme güete cha sii.

Der Chef faht a flüechu bi Ferie ga büechu
und frägu eerscht jetzu fer frii...

Wie schön isch die Zit friener gsii
Wanich no en Lüusbüeb bi gsii
Wie schön chas öi hittu no sii
solangi en Lüusbüeb darf sii

Wie schön dasi friener en Lüusbüeb bi gsii.
Wie schön dasi immer no en Lüusbüeb cha sii.
Wie schön dasi friener en Lüusbüeb bi gsii.
Wie schön dasi immer no en Lüusbüeb cha sii.

Iischi Melodie

Ich keeru im Radio iischi Melodie
Mier chämunt soo vill Sache d sii
Ja das keert eifach zämu: Iischi Melodie - und dü

Keis anners Lied cha so zärtlich sii
seit mier dass ich mit dier darf sii
Fer mich gits niene eppis wächers als Iischi Melodie - und dü

Öi wenn mal nit bi mier bisch bisch ganz nooch bi Iischer Melodie
Wenn ich schi keeru wellti in diine Armu sii
Öi die längi Zit naa dier erwacht bi Iischer Melodie
Ich wellti immer numma mit dier zämu siiii

Safran-Walzer

Im Wallis gits es Derfji
im Schwizerland bikannt
mu seit ihm Safranderfji
sich Mund im Alpuland.

Am Sunnuhang is glägu
Dum Safran gfallts hie güet
Die Pflanza tüet mu pflägu
dasch jede Herbscht erbliet!

Ds Munderderfji, ja das lit
was die Safranpflanza git
en wäächri Blüema findusch nit
wills die nur ganz sältu git
iische Safran ischt en Hit
wills der nur im Wallis git
Und jetzu singunt alli Lit
Der Safranwalzer mit

(Jodel)

Vill Sunna, sältu Schatte
ischt appa dr Grund
fer d' lüüchtunt blauwu Matte
mit Safran zmitsch in Mund.

Das Gwürz tüet iisch biriichru
verzöibrut iischi Spiis
Mu chas fer fascht alls brüüchu
ob Brot, ob Schnaps ob Riis.

Ds Munderderfji, ja das lit...

Alles was ich will

Ich wellti gärü emal sume Lit sägu
was schii mich chennunt und was schii fer mich sind
Aber dene sägis nit hinnrum Rigg, nei zmitscht an du Grind.

Ich wellti gärü emal wieder vill ässu
ohni z'deichu: Hey ich wäägu doch z'vill.
Ich wellti gääru die ganzi Nacht süüfu ohni Angscht vor Promill!

Alles was ich will, alles was ich will
ischt verbotu, macht dick oder choschtut vill z'vill
Alles was ich will, alles was ich will
das bischt dü und hientamal es ganz chleis Üswärts-Spill!

Ich wellti gääru Millione verdienu
und dass der Lohn öi ohni z'schaffu mer git
Ich wellti gärü jedi Wucha in d'Ferie in der Arbeitszit.

Ich wellti gärü mal zum heiligu Vater
ganz privat zu ihm alleinzig uf Rom.
und är gäbi mier de profilaktisch miini Absolution!

Alles was ich will, alles was ich will
ischt verbotu, macht dick oder choschtut vill z'vill
Alles was ich will, alles was ich will
das bischt dü und hientamal es ganz chleis Üswärts-Spill!

Wiis und Rot

Wiis und Rot – dascht miini Farb
Bi Wiis und rot gschpirr ich das ds Härz vill schnäller schlaat
Wiis und rot – dascht miine Fall
Wiis und rot gsehscht iberall
Am Liebschtu gsehni Wiis und rot bim Cupfinal!

Das ischt iischi Mannschaft, an dera hei wier Freid!
Wills jetz in der Meischterschaft iisch so sauper geit!!
D'Heimschpill die verpasswer nit, wier sii immer derbii
Und die Zit var Challenge League Die ischt jetz verbii.
Ds Tourbillon ischt üsverhöift - Und die Stimmig stigt
Wills uf dum Rasu super löift - Und dr FC Sittu siegt!

Wiis und rot.....

Wiis und rot isch ds Wallis - Und drizäh Stärna gits
Wiis und rot sind d'Farbe - Va iischum Schwizerchriz!
Wiis und bleich sind ds Gsichter - Und wier wärde lüt
Wenn iisch der Schiedsrichter - En roti Charta git
Im Wallis stäh wier zämu - Will wier en Einheit sii!
Und wier triiche zämu - Wiise und Rote Wii!

Wiis und Rot – dascht miini Farb.....

Sybille

Ds Brig im Gätsch chunntsch uf mich züe
und seit mer hey wie geits de dier
ich säg zu ira chumm wier triiche schnäll es Bier
doch us dem eintu wärdunt de gat sofort vier
und de bschtelle wier en Wii - doch us dr Fläscha wärdunt drii
Nei ich bring nix meh ambri!
Bitte triich nimme so vill - ich cha machu was ich will
wenn dü süüfusch und no gar nix gschpirrsch
ligg ich scho lang unner dum Tisch.
Ja dü laffusch wie es Loch und seischt en Fläscha magi noch
Jetzu wirs mier zwill!

Hey hey Sybille - süüf nit so vill
Hey hey Sybille - sii ändlich still
Dü tribscht mit mier diis Spill - ich cha machu was ich will
ich verträgu nie so vill - so vill wie dü Sybille!

Uf ds Mal da bini kit - Doch d'Sybille steert das nit
Schii seit Wier gäh hie no nit üs - Zeersch triich wer d'neegshti Fläscha üs
Ja dü laffusch wie es Loch - und seischt zwei Fläsche mägwer noch
Jetzu wirs mier zwill!

Hey hey Sybille - süüf nit so vill
Hey hey Sybille - sii ändlich still
Dü tribscht mit mier diis Spill - und ich cha machu was ich will
ich verträgu nie so vill - so vill wie dü Sybille!

Äs isch um de Zwelfe gsii - da schlafi uf dum Barstüel i.
Doch d'Sybille die isch no total fit -
und seit wach üf und triich mit mier no mit
Doch ich hä Schwindul Maguweh - Ich mag keis Schluckji meh
Jetzu wirs mier zwill!
Bitte triich nimme so vill - ich cha machu was ich will
wenn dü süüfusch und no gar nix gschpirrsch
ligg ich scho lang unner dum Tisch.
Ja dü laffusch wie es Loch - und seischt en Fläscha magi noch
Jetzu wirs mier zwill!

Hey hey Sybille - süüf nit so vill
Hey hey Sybille - sii ändlich still
Dü tribscht mit mier diis Spill und ich cha machu was ich will
ich verträgu nie so vill -so vill wie dü Sybille!

Hey hey Sybille - süüf nit so vill
Hey hey Sybille - sii ändlich still
Dü tribscht mit mier diis Spill und ich cha machu was ich will
ich verträgu nie so villso vill wie dü Sybille!

Hey hey Sybille.....

Zämu sii

Mit dier zämu sii - mit dier zämu sii - mit dier zämu sii - mit dier zämu sii
(instr.)

Zämu träffu, zämu redu, zämu rutschu, zämu cho
zämu wohnu, zämu chochu, zämu schlafu sowieso
zämu lachu, zämu flännu, zämu strittu das gits öi
zämu bliibu, zämu gniessu ja das chasch mit discher Fröi

Zämu redu, zämu losu, zämu schwiigu, zämu stah
zämu chrampfu, zämu schaffu und de schich wieder la gah
zämu glettu, zämu wäschu, zämu putzu wennis müess sii
zämu läbu, zämu stärbu, zämu bliibu, zämu sii.

Zämu läbu, zämu zfridu sii - Zämu bliibu, zämu glickli sii
zämu lachu, zämu trüürig sii - Zämu chnudlu, zämu zärtlich sii.

Zämu Rägu, zämu Sunna, zämu Ferie, zämu Strand
zämu läsu, Zit vergässu beidi zämu Sunnubrand
zämu luschtig, zämu Fieber, zämu gsundsi oder chrank
zämu wäägu, zämu abnääh, zämu rundsi oder schlank

Mit dier zämu sii - mit dier zämu sii - mit dier zämu sii - mit dier zämu sii

Zämu glicklich, zämu zfridu sii mit dem wa wier alls hei
zämu üsgah, zämu triichu, zämu ässu nur wier zwei
zämu heimgah, zämu schlafu, zämu striichlu zärtlich sii
zämu läbu, zämu liebu, zämu schwäbu, zämu sii

Zämu wandru ga spazieru, zämu Hand in Hand ga löifu
zämu sparü, zämu gittu, zämu unnetigs ga chöifu
zämu Winter, zämu Üstäg, zämu Summer, zämu Herbscht
zämu afa, zämu witermachu und zämu der Letscht.

Zämu schmüüsu, ganz nooch zämu sii - Zämu redu, zämu stilli sii.
Zämu läbu, zämu zfridu sii - Zämu bliibu, zämu glickli sii

Zämu Wallis, zämu Bäru, zämu Zürich, zämu Schwiz
zämu alles, zämu wenig, zämu meh und zämu nix
zämu zfridu, zämu trüürig, zämu strittu wennis müess sii
zämu läbu, zämu stärbu, zämu bliibu, zämu sii

Zämu Freid hä, zämu's luschtig hä, fer immer zämu gah
zämu redu, zämu losu, zämu schwiigu, zämu stah
zämu lachu, zämu glicklich, und öi zämu zfridu sii
zämu liidu, zämu fühlü, zämu zellu, zämu sii

Zämu träffu, zämu redu, zämu rutschu, zämu cho
zämu wohnu, zämu chochu, zämu schlafu sowieso
zämu lachu, zämu flännu, zämu strittu das gits öi
zämu bliibu, zämu gniessu ja das chasch mit discher Fröi